



# МАКТАВ О‘QUVCHILARINING O‘QIB TUSHUNISH KO‘NIKMASINI RIVOJLANTIRISH

Xaydarkulova Jasmina Sur’at qizi

ToshDO‘TAUning 3-kurs talabasi

[jasminaxaydarkulova@gmail.com](mailto:jasminaxaydarkulova@gmail.com)

+998957727633

**Annotatsiya:** Ushbu maqolada o‘quvchilarda o‘qib tushunish ko‘nikmalarini hakllantirishning zarurati, bosqichlari va samarali metodlari tahlil qilinadi. Matn ustida ishslash orqali o‘quvchilarning tafakkuri, tahlil qilish va mulohaza yuritish qobiliyati rivojlanishi ilmiy asosda yoritiladi.

**Abstract:** This article analyzes the need, stages, and effective methods for developing reading comprehension skills in students. The development of students' thinking, analysis, and reasoning skills through working on the text is scientifically highlighted.

**Kalit so‘zlar:** o‘qib tushunish, matn, tafakkur, tahlil, savol-javob, metodika.

**Keywords:** reading comprehension, text, thinking, analysis, questions and answers, methodology.

## Kirish

Zamonaviy ta’lim jarayonida o‘quvchilarning mustaqil fikrlashi, tahlil qilish va xulosa chiqarish ko‘nikmalarini shakllantirish muhim metodik vazifalardan biri hisoblanadi. Bu ko‘nikmalar esa, avvalo, matnni o‘qib tushunish orqali rivojlanadi. O‘qib tushunish — bu nafaqat matnni texnik jihatdan o‘qish, balki uning mazmunini



anglash, muallif niyatini tushunish, asosiy g‘oyani aniqlash, bevosita va bilvosita ma’nolarni farqlay olish, mantiqiy xulosa chiqarish jarayonidir.

G.A.Asilova - ped. fan. doktori (DSc) ToshDO‘TAU professori o‘qib tushunish haqida shunday deydi: “O‘qib tushunish - nutqiy faoliyatning turlaridan biri sifatida murakkab psixofiziologik jarayon bo‘lib, faqat muayyan lingvistik poydevor, ya’ni fonetik va leksik-grammatik bilimlar asosida amalga oshiriladi. O‘qish ko‘nikmalarini rivojlantirishda ushbu jarayonning 2 tomoni, ya’ni yozma xabarni qabul qilishga tayyorlaydigan o‘qish texnikasini hamda axborotni sodir bo‘lgan nutqiy faoliyat mahsuli sifatida anglashni inobatga olish zarur. Buning muhim sharti esa tizimli va maqsadga qaratilgan maxsus mashqlarni bajarishdir. O‘qishni nazorat qilish obyekti matnning til materiali emas, uning mazmunini tushunishdir. Nutqiy faoliyatning barcha turlari bo‘yicha o‘zaro bog‘liq ta’limning maqsadga muvofiqligi va samarasi haqidagi metodik qoida o‘qish ko‘nikmalarini rivojlantirish boshqa nutqiy ko‘nikmalar, avvalambor gapirish ko‘nikmalari bilan parallel tarzda rivojlantirilishini taqozo etadi<sup>1</sup>”.

### Asosiy qism

O‘qib tushunish ko‘nikmasini maktab o‘quvchilarida rivojlantirish jarayoni “O‘qib tushunish nima uchun kerak? Ma’lumot olishning boshqa yo‘llari ham borku, masalan: podkastlar, ilmiy-ommabop videolar”, degan savol tug‘ilishi tabiiy holat. Hozirgi kunda rivojlanayotgan dunyoga nazar tashlasak, insonning shaxsiy, orginal fikri juda noyob hisoblanadi. Negaki, ko‘p insonlar qaysidir mashxur fikrni yoki internet tarmoqlaridagi aqli afarizmlarni qayta-qayta ishlatalishga moyil bo‘lib qolishgan. Bu esa ongli mavjudodda eng muhim qobiliyat ya’ni yaratuvchanlikning yo‘qolishiga olib kelmoqda. O‘qish esa bu muammoni yechishga yordam berishi mumkin. Ayniqsa falsafiy, tarixiy, ilmiy esselar bilan tanishish orqali muloqotdagi

<sup>1</sup> G.A. Asilova. Ilmiy taddiqot faoliyati asoslari. Uslubiy qo‘llanma.– T., 2020. – 128 b.

qiyinchiliklar, tushunish bilan bog‘liq murakkabliklarga barham berish mumkin. Shu bilan birga, o‘quvchilardagi leksik sathni kengaytib ulardagi ichki hissiyotlarni va turli o‘ylarni tartibga solish, ma’lum bir o‘rinli so‘zlarni qo‘llagan holatda ifodalashga imkon yaratadi. Amerikalik mashxur aktyor Vil Smiz soatlab vaqtini lug‘atlarni o‘qish, ilarni o‘rganishga sarishlashini aytib o‘tadi. Bu orqali u aniqroq va ravon fikrlashga qobiliyatini shakllantiradi. Umumiy o‘qish qobiliyatini rivojlantirish usullari:

1. Ruchka yoki qalam bilan o‘qish: so‘zlar tagiga chizish yoki belgilash.
2. Sekin va ifodali o‘qish: o‘qish tezligi pasaytirish va iloji bo‘lsa, ovoz chiqarib mutolaa qilish.
3. Muntazam o‘qish: har kuni hech bo‘lmaganda 10 daqiqa ajratish va muhimi qancha bet o‘qilgani emas, balki davomiy ravishda o‘qish.
4. O‘qilgan ma’lumotlarga asoslangan holda xulosa yoki qisqacha matn tuzish: qayta kerakli o‘rinlarini ko‘rib chiqish va g‘oyalarni bir joyga to‘plash.
5. Qayta o‘qish: yana o‘qish kitobning yangi ma’nolarini ochishga yordam beradi.

Maktab yoshidagi o‘quvchilarni o‘qish ko‘nikmasini shakllantirishga yordam beradigan muayyan mashqlar mavjud. Mana ulardan bir nechtaşı:

Satrlarni, aksincha, harfma-harf o‘qish. Mashq so‘zma-so‘z tahlilni rivojlantirishga yordam beradi. Ma’nosи oddiy – so‘zlar teskari tartibda, ya’ni o‘ngdan chapga o‘qiladi.

So‘z orqali o‘qish. Gapdagi barcha so‘zlarni emas, balki bittadan sakrab o‘qish kerak.

Punktirli yozilgan so‘zlarni o‘qish. Kartochkalarda so‘zlar yozilgan, lekin ularda bir nechta harflar tushirib qoldirilgan (tushirib qoldirilgan o‘riniga punktir chiziqlar chizilgan).

So‘zning faqat ikkinchi qismini o‘qish. So‘zning faqat ikkinchi qismini o‘qish kerak, bunda birinchi qismi tushirib qo‘yiladi. Mashq so‘zning ikkinchi qismi birinchi

qismidan kam emasligini tushunishga yordam beradi, shu bilan keyinchalik so‘zlarning qo‘shimchalarini tushirib qo‘yishni (yoki noto‘g‘ri o‘qishni) oldini oladi.

Ustki qismi yopiq satrlarni o‘qish. Matn ustiga bir varaq qo‘qoz qo‘yilib, satrning yuqori qismi yopiladi.

Tez va ko‘p marta takrorlash. Bola iloji boricha tezroq va ketma-ket bir necha marta takrorlashi kerak.

### Xulosa

O‘qib tushunish ko‘nikmasi — o‘quvchining tanqidiy va mustaqil fikrlash qobiliyatining asosi hisoblanadi. Ushbu ko‘nikmani shakllantirishda o‘qituvchining metodik yondashuvi, matn tanlovi va o‘quvchiga yo‘naltirilgan interaktiv faoliyat muhim o‘rin tutadi. Shu bois, darslarda o‘qib tushunishga oid topshiriqlar, savol-javoblar, tahliliy ishlanmalar orqali o‘quvchilarning intellektual salohiyati oshiriladi.

### Foydalanilgan adabiyotlar ro‘yxati

1. Muxitdinova X.S. O‘zbek tilini o‘qitish metodikasi (o‘zga tilli guruhlarda) / Monografiya. T., 2021.
2. G.A. Asilova. Ilmiy tadqiqot faoliyati asoslari. Uslubiy qo‘llanma.– T., 2020. – 128 b.
3. Ismailov A. v.b., Xalqaro tadqiqotlarda o‘quvchilarning o‘qish savodxonligini baholash. – Toshkent, «Sharq», 2019, 92 b
2. Yo‘ldoshev R.A. Ta’lim rus tilida olib boriladigan maktablarda o‘zbek tilini o‘qitish metodikasi / Monografiya. T., 2015